

39

Gjöld.

Kr. Ar

		kr.	ar.
1.	Sjóður við árslok 1875:		
a.	lánað mót veði í fasteign og 4% vöxtum, samkvæmt tekjugrein 1. a. b. 1080 rd. eður	2160	"
b.	lánað mót veði í fasteign og 4% vöxtum:		kr.
	Jóni Stefánssyni ²³ / ₅ 75	200	
	Sigurði Guðnasyni ¹⁷ / ₆ 75	600	
	Erlendi Jónssyni ¹¹ / ₁ 75	100	
	Guðjóni Jónassyni ⁵ / ₇ 75	200	
	Marteini Halldórssyni ²² / ₉ 75	100	
	Árna Stefánssyni ²⁵ / ₉ 75	100	
		<hr/>	
		1300	"
c.	í vörzlum amtsins	169	15
		<hr/>	
		Gjöld samtals	3629 15

Akureyri, 31. desemberm. 1876.

Christiansson.

Stjórnarbrjef og auglýsingar.

40 — *Brjef ráðgjafans fyrir Ísland til landshöfðinga um prestvígslu hálf-skólagengings manns.* — Út af bönarbrjefi, er hingað kom með þóknanlegu brjefi yðar, herra landshöfðingi, frá 10. f. m., og þar sem Jón Bjarnason Straumfjörð, verzlunarþjónn, á nýjan leik fer því á flot, að hann megi vígjast til prests og sækja um eitt af þremur prestaköllum á Íslandi, er hann tilgreinir, þótt hann vanti hin nauðsynlegu skilyrði til að verða skipaður í andlegrar stjettar embætti, skal vísað til brjefs kirkju- og kennslustjórnarinnar frá 25. okt. 1873¹, og yður tjáð til þóknanlegrar leiðbeiningar, að þæn þessi verður eigi veitt.

41 — *Brjef ráðgjafans fyrir Ísland til landshöfðingja um silfurbergsnámann í Helgustaðafjalli.* — Í þóknanlegu brjefi frá 28. septbr. f. á. skýrðuð þjer, herra landshöfðingi, frá því, að á síðasta alþingi hafi neðri deildin í stað stjórnarfrumvarpsins til laga um sölu á þeim ¹/₄ silfurbergsnámans í Helgustaðafjalli, er landssjóðurinn á, fallizt á frumvarp um að skora á stjórnina að sjá svo fyrir, að lögbanni því, sem samkvæmt brjefi dómsmálastjórnarinnar frá 7. nóvbr. 1872² var lagt á, að eigandinn að ³/₄ þörtum námans ynni hann, yrði þegar af ljett, og náminn, að svo miklu leyti sem hann er landsins eign, unninn á kostnað landssjóðs; en þetta frumvarp hafi verið fellt í efri deild þingsins, er aptur á móti hafi fallizt á lagafrumvarp, er þar hafi verið upp borið, um heimild fyrir stjórnina til að kaupa þá ³/₄ parta námans í Helgustaðafjalli og jarðarinnar Helgustaða, sem landssjóðurinn ekki á, en þetta frumvarp hafi neðri deildin ekki viljað aðhyllast. Eptir að ráðgjafinn hafði meðtekið þessa skýrslu, hefir verið gjörð tilraun til að fá sameigandann til að vinna námann í fjelagi við stjórnina, en hann hefir neitað því, en hins vegar hefir ráðgjafinn þó ástæðu til að ætla, að hann muni enn vera tilleið-

1) Sjá Tíð. um stjórnarm. ísl. III. 679.

2) Sjá Tíðindi um stjórnarm. ísl. III. 532.

anlegur til að láta þann hluta, er hann á í námanum, fyrir verð, er samsvari því verði, er stjórnin hefði ætlað að selja sinn hluta fyrir.

Jafnframt því þjónustusamlega að tjá yður, herra landshöfðingi, þetta til þóknarlegrar leiðbeiningar og birtingar fyrir alþingi, skal ekki undanfellt að boeta því við, að þótt ekki sje ólíklegt, að eigandi $\frac{3}{4}$ parts námans ætli sjer að nota heimild þá, er lögin (20. kap. kaupab. Jónsb.) veita honum til að fá sameigninni slitið, hefir eptir afdrifum þeim, er málið hlaut á alþingi 1875, ekki þótt nægilegt tilefni til að leggja fyrir alþingi það, er kemur saman næsta ár, lagafrumvarp annaðhvort um sölu námans eða um kaup $\frac{3}{4}$ hans handa landssjóði, og eins hefir ekki heldur þótt nauðsynlegt að hreifa nokkuð við banni því, er lagt var á notkun námans, með því að banni þessu hefir ekki verið fram fylgt með lögsókn, og má því telja það þýðingarlaust að lögum.

— *Brief ráðgjafans fyrir Ísland til landshöfðingja um aðgjörð að Vestmannaeyja-kirkju.* — Í þóknanlegu brjefi frá 16. oktbr. þ. á. hafið þjer, herra landshöfðingi, skýrt frá, að amtmaðurinn yfir suður- og vesturumdæminu hafi lagt það til, að samþykktur verði samningur milli sýslumannsins á Vestmanna-eyjum og Sigurðar trjesmiðs Sveinssonar, um aðgjörð fyrir umsamda borgun á austurgaffi Vestmannaeyja-kirkju, vesturgaffi hennar og veggjum að utan og um að kalka veggina að innan. Ráðið þjer frá aðgjörð á vesturgaffi kirkjunnar, með því að hún muni vera ónauðsynleg, en leggið til, að veittar verði 400 kr. eða fram undir það af landssjóði, til þess að gjöra að austurgaffi kirkjunnar, og ef nauðsynlegt er kalka hana innan, og ráðleggið þjer af ástæðum þeim, er þjer tilgreinið betur, að falið verði Sigurði Sveinssyni á hendur að leysa þetta verk af hendi fyrir daglaun, í stað þess að láta hann taka að sjer alla viðgerðina fyrir tiltekna borgun í einu lagi.

Út af þessu skal yður þjónustusamlega tjáð, herra landshöfðingi, til þóknarlegrar leiðbeiningar, birtingar og ráðstafanar, að tillögur yðar eru þjer með samþykktar, og verður að taka kostnaðinn af hlut ráðgjafans í fje því, sem til er tekið í 16. gr. fjárlaganna, að svo miklu leyti sem eigi verður staðinn straumur af honum með því, sem kirkjan á sjálf til. En til þess að ihugað verði betur, hvort ráð sje að fá Sigurði Sveinssyni áminnst verk í hendur, skal eigi undanfellt að leiða athygli yðar jafnframt að því, herra landshöfðingi, að hann samkvæmt skýrslu sýslumannsins á Vestmannaeyjum frá 5. maí 1874, þá hefir sagzt alls ekki geta tekið að sjer aðgerðina á austurgaffi kirkjunnar, það myndi verða tómt steinsmiði.

— *Brief ráðgjafans fyrir Ísland til landshöfðingja um lán úr Thorchillisjóði.* — Þóknanlegu brjefi yðar, herra landshöfðingi, frá 27. nóvbr. f. á. fylgdu nánari skýringar um bónarbrjef síra Þórarins prófasts Böðvarssonar um, að honum verði veitt 2—3000 kr. vaxtalaust lán til þess að endurbæta og laga íbúðarhús, er hann hefði keypt í Hafnarfirði og ætlað til skóla fyrir börn og fullorðna af almúgastjett.

Út af þessu skal vísað til niðurlagsins á brjefi ráðgjafans frá 6. júlí f. á.¹ og tjáð yður til þóknarlegrar leiðbeiningar og birtingar, að bæn þessi verður eigi veitt.

1) Sjá Stjórnartíðindi B, 1876,—85 (bls. 85).